

Իմ վըրայ դամ մի՛ բռներ, քո սերն ինձ խելք Ե՞րբ է թողել:

Է .

Ա՛յ սարեր, ա՛յ ձորեր, գիտացե՛ք, եար եմ կորուսել:

Ա՛յ քարեր, ա՛յ թըփեր, աճապ ի ձեզ չե՞՞ եկել.

Ա՛յ քարե կարմընջնի, ի ձեզ չե՞՞ անցել.

Չիս ի քուն թողել ելեր գընացեր:

Ը .

Դեմ առաւօտուն լուսուն ես ի ձեր երդիքըն եկել,

Գլխակա ալ ի վար դըրել, լօք մըրափըն գիս է տարել,

Սունն ալ ի գերանն ասել՝ Սիրոյ տերն երդիքն է եկել.

Քանի իմ մարն գիս բերել, ես փաստ խամագ չէյ տեսել.

Փատն ալ ի մորին բուսել, խանմզութիւն ո՞ւստից է ուսել:

Թ .

Ա՛մ, երեսդ Է՞ր է դեղնել 'ւ երեսիդ գունըն գընացեր.

Գեմ քո եարըն չէ մեռեր կամ օտար երկիր գընացեր.

Թէ ես լամ նա հաղ ունիմ, որ գիտեմ ի՞նչ եմ կորուսել.

Կորել է հոգուս հոգին անհոգեկ ես եմ մընացել:

Ժ .

Երեսդ է լուսին նըման ու զիլֆերդ ի դատիր գիշեր.

Քընքեր բեհեշտի ինձոր 'ի ծովուն տըլած քեզ աչեր.

Ուներ կեռումեռ ունիս, թուխ աչեր, թարթիչդ է նետեր.

Բերանդ է լալեֆըջան, մեջն ի լիք է մարգըրիտներ:

Ժ Ա .

Բազայ մի որդան փոկով կու որսար գորսըն ցորեկով.

Կաքաւ մի հազար փետրով էր նստել՝ աչունին ճոթերով.

Կաքան ի բազան ասաց՝ Մի՛ որսար գորսըն ցորեկով.

Ես չեմ ցորեկուան որսիկ, գիս որսա՛ մութըն գիշերով:

Ժ Բ .

Իմ կուլ ու մուրտ ու ճիհան, 'ւ ի ծոցդ է բուսեր ըռահան.

Երկու ծամ դեղձան ունիս, ի դնչիդ մեջըն կայ նըջան.

Չուներդ ալ իլդար արել ու կ'երթաս ի Մսրայ թալան.

Շատ ու շատ գերի բերես, շատ խօճա ու շատ պագիրկան.

Գերիս ալ ի հետ բերիր ձըգեցիր ի ծով ի գևտան: